



ЎЗБЕКИСТОН РЕСПУБЛИКАСИДА ДАВЛАТ ОРГАНЛАРИ ВА МАНСАБДОР ШАХСЛАРНИНГ ЖАМИЯТ ВА ФУҚАРОЛАР ОЛДИДА МАСЪУЛЛИГИНИНГ КОНСТИТУЦИЯВИЙ-ҲУҚУҚИЙ АСОСЛАРИ

*Тиллабаева Муаззам Бахтияровна
Бердақ номидаги Қорақалпоқ давлат
университети мустақил тадқиқотчиси*

Annotation: Мақолада Ўзбекистон Республикасида инсон ҳуқуқ ва эркинликларини таъминлашда давлат органлари ва уларнинг мансабдор шахсларини масъулигига оид умумназарий тушунчалар, давлат органларининг жамият олдидаги масъуллигини оширишдаги жавобгарлигининг юридик, шу жумладан айрим конституциявий-ҳуқуқий жиҳатлари, жамият ва фуқаролар олдида давлат органлари ва мансабдор шахсларнинг масъуллигини оширишда конституциявий-ҳуқуқий жавобгарликни самарали қўллаш каби масалалар кўриб чиқилади.

Key words: давлат органлари, конституция, ҳуқуқий, сайлов, фуқаро, жавобгарлик, мансабдор шахслар, қонун, комиссия, давлат ва жамият, ҳуқуқий норма, юридик жавобгарлик, ҳуқуқбузарлик

Annotation: the article examines such issues as universal concepts regarding the responsibility of state bodies and their officials in the provision of human rights and freedoms in the Republic of Uzbekistan, legal, including certain constitutional and legal aspects of the responsibility of state bodies to increase the responsibility of society to society, the effective application of constitutional and legal responsibility to society and citizens in

Keywords: state bodies, constitution, legal, election, citizen, responsibility, officials, Law, Commission, state and society, the eurocess norm, yourdic responsibility, infraction

Аннотация: в статье рассматриваются такие вопросы, как универсальные концепции, касающиеся ответственности государственных органов и их должностных лиц за обеспечение прав и свобод человека в Республике Узбекистан, правовые, в том числе отдельные конституционно-правовые положения об ответственности государственных органов за повышение ответственности общества перед обществом, эффективное применение конституционная и правовая ответственность перед обществом и гражданами в

Ключевые слова: государственные органы, конституция, право, выборы, гражданин, ответственность, должностные лица, Закон, Комиссия, государство и общество, норма европейского процесса, ваша личная ответственность, правонарушение

Ўзбекистонда шиддат билан олиб борилаётган демократик ислохотлар жараёнида давлат органлари ва мансабдор шахсларнинг жамият ва фуқаролар олдида масъулигига эришиш масаласи марказий ўринлардан бирини эгалламоқда. Бу борадаги устувор вазифалар Давлатимиз раҳбарининг “Халқ давлат идораларига эмас, балки давлат органлари халқимизга хизмат қилиши керак” деган ғоялари Ўзбекистон Республикасини янада ривожлантириш бўйича Ҳаракатлар



стратегияси¹, сўнгра “Давлат – инсон учун” ғояси Янги Ўзбекистоннинг тараққиёт стратегиясида, кейин эса “Инсон-жамият-давлат” тамойили асосида амалга оширилган конституцион ислохотларда ўз аксини топган³.

Шу сабаб, кадриятлар устуворлиги қайта тақсимланди. Агар илгари аввал давлат, кейин жамият ва шундан кейингина шахс манфаатлари деб эълон қилинган бўлса, энди эса аввал шахс, сўнгра жамият ва шундан кейингина давлат манфаатлари деган кадриятлар тизими белгиланди. Мазкур тамойиллар Янги Ўзбекистоннинг тараққиёт стратегиясининг асосини ташкил этди.

Ушбу янги парадигма устувор ғояларни илгари сурган ҳолда, конституциявий тамойилларни қайта кўриб, шахс манфаатларига кўпроқ йўналтириб, шунга таянган ҳолда жамият ва давлат мақомини белгилашга олиб келди. Фуқароларнинг давлат ва жамият ишларини бошқаришда иштирок этишининг конституциявий кафолатларини кенгайтириш, уларнинг ижтимоий-маданий компетенцияларини шакллантириш масаласини долзарблаштиради. Бу масала конституциявий-ҳуқуқий муносабатлар субъектлари, яъни шахс, жамият ва давлат ўртасида асосий кадрият мотивациясини юзага келтирувчи жамиятда шахснинг хулқ маданиятини ривожлантириш вазифасини кўяди.

Шуни таъкидлаш керакки, ижтимоий-маданий хулқ-атворнинг негизида ётган кадриятлар мезонлари, ижтимоий меъёрларни ҳисобга олган давлат нормалари томонидан белгиланиб, умумий ҳолатда жамиятда ривожланаётган барча муносабатларни тартибга солиди. Мазкур ҳолатда, А.Ю.Климанова таъкидлаганидек, ҳуқуқий нормалар ижтимоий муносабатларни тартибга солиш билан бирга ҳуқуқбузарликнинг олдини олади². Ҳуқуқий норманинг кўрсатиб ўтилган ҳар бир функцияси мустақил характерга эга, аммо улар бир-бирини тўлдириб боради, агар улардан бири бўлмаган тақдирда уларнинг ижтимоий фойдали аҳамияти йўқолади.

Бундан ташқари, энг муҳим ижтимоий муносабатлар давлатнинг ҳуқуқий нормалари орқали тартибга солинишини ҳисобга олсак, ҳуқуқий муносабат субъектларида доимий ҳолда уларни бузиш истаги бўлиши табиийдир. Шунинг учун давлат, содир этилиши мумкин бўлган ҳуқуқбузарликларнинг олдини олиш, аниқлаш ва бартараф этиш учун зарур чора-тадбирларни кўриши зарур. Шу мақсадда давлат ҳуқуқбузарларга нисбатан санкция чораларини ҳам қўллаб боради. Шундай қилиб, конституциявий-ҳуқуқий жавобгарлик икки тарафлама, яъни ижобий ва салбий кўринишга эга булиб, улар бир-биридан ажралган ҳолда ва шунингдек биргаликда ҳам намоён бўлади деган хулосага келиш мумкин.

Ўз навбатида, конституциявий-ҳуқуқий жавобгарлик ҳуқуқий жавобгарликнинг мустақил турларидан бири сифатида эътироф этилади.

Ҳуқуқий жавобгарликнинг умумий белгилари жиноий, фуқаролик, маъмурий ва конституциявий-ҳуқуқий жавобгарликка хосдир. Қуйидаги ҳуқуқий жавобгарлик турлари, яъни конституциявий - ҳуқуқий жавобгарлик, ўз негизида бир хил структурага эга бўлиб, назарий

¹ Ўзбекистон Республикаси Президентининг 2017 йил 7 февралдаги ПФ-4947-сон “Ўзбекистон Республикасини янада ривожлантириш бўйича Ҳаракатлар стратегияси тўғрисида”ги фармони // <https://lex.uz/acts/3107036>.

³ Ўзбекистон Республикаси Президентининг 2022 йил 28 январдаги ПФ–60-сон «2022 — 2026 йилларга мўлжалланган Янги Ўзбекистоннинг тараққиёт стратегияси тўғрисида» ги Фармони. // Қонунчилик маълумотлари миллий базаси, 29.01.2022 й., 06/22/60/0082-сон

² Климанова А.Ю. Конституционно-правовое регулирование формирования экономической основы местного самоуправления: автореферат дис. ... кандидата юридических наук. - Москва, 2013. – Б.53.



жиҳатдан уларнинг мавжудлигини ҳуқуқий жавобгарлик турлари сифатида белгилашга имкон беради.

Бундай ҳолда конституциявий - ҳуқуқий жавобгарликнинг қуйидаги умумий белгиларини ажратиш мумкин: биринчидан, жавобгарлик фақат қонун нормаларида назарда тутилган ҳолларда юзага келади; иккинчидан, ҳуқуқий нормаларни, шу жумладан конституциявий нормаларни бузганлик учун жавобгарлик чораларини қўллаш мумкин; учинчидан, конституциявий - ҳуқуқий жавобгарлик давлат органларининг актларида белгиланади; тўртинчидан, жавобгарлик давлатнинг мажбурлаш чоралари билан боғлиқ; бешинчидан, субъект томонидан айбли ҳаракатларини содир этганлиги учун конституциявий-ҳуқуқий жавобгарлик келиб чиқади; олтинчидан, конституциявий-ҳуқуқий жавобгарлик чораларини қўллашнинг қонунийлик ҳолатидир. Шу билан бирга, шуни таъкидлаш лозимки, конституциявий-ҳуқуқий жавобгарлик, бошқа ҳуқуқий жавобгарлик турларидан фарқли ўлароқ, кўпроқ сиёсий жиҳатга эга. Сиёсий ва конституциявий-ҳуқуқий жавобгарлик субъектлари ва чоралари бирлаштирилиши мумкин. Бироқ, бу сиёсий ва конституциявий-ҳуқуқий жавобгарликнинг ўрнини алмаштириш ёки мос келишини англатмайди, балки конституциявий-ҳуқуқий жавобгарликни сиёсий муносабатлар соҳасида амалга оширилишини кўрсатади.

Ўзбекистон Республикасининг Конституцияси юридик жавобгарликнинг барча турларининг пойдевори сифатида намоён бўлади, шу жумладан, унинг турларидан бири бўлмиш конституциявий ҳуқуқнинг соҳавий нормаларида ифодаланган жавобгарликнинг тури ҳам унинг сирасига киради. Конституциявий-ҳуқуқий жавобгарликнинг соҳавий хусусияти Ўзбекистон Республикаси Конституциясини қонунчилик ҳужжатлари ва Ўзбекистон Республикаси Конституциявий суди актлари билан аниқлаштирилишида намоён бўлади.

Давлат органлари ва мансабдор шахсларнинг жамият ва фуқаролар олдидаги конституциявий-ҳуқуқий жавобгарлик асослари жавобгарлик назариясида марказий ўринни эгаллайди. Мазкур масала юзасидан П.И.Кучура тўғри таъкидлаганидек: "Айнан жавобгарликнинг юзага келиши асоси юридик жавобгарликнинг бир турини бошқасидан ажратиб турадиган белгилардан бири, шунингдек, муайян жавобгарлик турининг энг муҳим элементи" ³.

Бу дегани, юридик жавобгарликнинг бир турини бошқа туридан ажратиб турувчи жиҳати ва шунинг натижасида у ёки бу турдаги жавобгарликнинг муҳим элементи унинг юзага келиши учун асос бўла олади. Ўз навбатида, ҳар қандай жавобгарлик юзага келишининг асоси доимо қонун нормасида ифодаланиб келган мажбурий ҳуқ-атвор қоидаларнинг бузилиши - ҳуқуқбузарликдир.

Ўзбекистон Республикаси Конституциясида фақат барча юридик жавобгарлик турларининг асосий принцип ва қоидалари мустаҳкамланган. Ўзбекистон Республикасининг Конституцияси жиноий, фуқаролик-ҳуқуқий, маъмурий, интизомий ва конституциявий-ҳуқуқий жавобгарликнинг ягона манбаи бўла олмайди. Бироқ Конституция жиноий жавобгарликка нисбатан, конституциявий - ҳуқуқий жавобгарликни тартибга солишга кўпроқ эътибор беради ⁴. Конституциявий ҳуқуқ нормалари энг асосий, фундаментал ижтимоий муносабатларни тартибга солиб, бошқа ҳуқуқ тармоқлари нормаларига мазмунан замин бўлиб хизмат қилади.

³ Кучура П.И. К вопросу об основаниях конституционно-правовой ответственности / Государство и право: теория и практика: материалы Междунар. науч. конф. (г. Чита, март 2013 г.). - Чита: Издательство Молодой ученый, 2013. — С. 20-23.

⁴ Катигаров П. А. Необходимость выделения конституционно-правовой ответственности как самостоятельного вида юридической ответственности // Молодой ученый. - 2013. - № 6 (53). - С. 559.



Давлат ҳокимияти органлари ва мансабдор шахсларининг конституциявий-ҳуқуқий мақомидан келиб чиқиб, устуворлик уларнинг расмий ҳаракатларига эмас, балки якуний натижаларига берилади ва натижаларга эришилганлик уларга нисбатан ҳуқуқий жавобгарлик чораларини қўллаш учун асос бўла олади. Давлат ҳокимияти органлари ва уларнинг мансабдор шахсларининг конституциявий-ҳуқуқий мажбурияти - бу субъектга ўз ваколатлари доирасида муайян ижобий натижага эришиш (олиш) учун ҳуқуқий хабарнома ҳисобланади.

Умуман олганда шуни айтиш мумкинки, конституциявий-ҳуқуқий жавобгарлик конституциявий-ҳуқуқий доирасининг ўзи билан чегараланмайди, у конституциявий-ҳуқуқий, яъни соҳавий ҳуқуқий муносабатларда юзага келади, ривожланади ва улар орқали жорий этилишига эришилади. Шунингдек, кўп сонли санкциялар (ижобий ёки салбий) олий, маҳаллий, фуқароларнинг ўзини ўзи бошқариш органлари ва конституциявий-ҳуқуқий санкцияларни энг аниқ ва ривожланган тизимига эга бўлмоқда ва у ижобий юридик жавобгарликнинг назариясини ишлаб чиқишга асос бўлиб олиниши мумкин. уларнинг мансабдор шахсларининг ваколатларини ўзгартиришга қаратилган. Шу билан бирга, ижтимоий муносабатларга кўра, сайлов ҳуқуқий муносабатлари

References:

1. Ўзбекистон Республикасининг Конституцияси. Тошкент: «O‘zbekiston» нашриёти, 2023.-80 б.
2. Ўзбекистон Республикасининг “Ўзбекистон Республикасида жамоат бирлашмалари тўғрисида”ги қонуни, 1991 йил 15 февраль // Ўзбекистон Республикаси Олий Кенгашининг Ахборотномаси, 1991 й., 4-сон, 76-модда.
3. Ўзбекистон Республикасининг 1993 йил 2 сентябрдаги «Маҳаллий давлат ҳокимияти тўғрисида»ги қонуни // Ўзбекистон Республикаси Олий Кенгашининг Ахборотномаси, 1993, 9-сон, 320-модда.
4. Ўзбекистон Республикасининг маъмурий жавобгарлик тўғрисидаги кодекси // Ўзбекистон Республикаси Олий Кенгашининг Ахборотномаси, 1995 й., 3-сон, 193-модда.
5. Ўзбекистон Республикасининг 1996 йил 26 декабрдаги “Сиёсий партиялар тўғрисида”ги қонуни // Ўзбекистон Республикаси Олий Мажлисининг Ахборотномаси, 1997 й., 2-сон, 36-модда.
6. Ўзбекистон Республикасининг “Ўзбекистон Республикасининг референдуми тўғрисида”ги қонуни (янги таҳрири), 2001 йил 30 август // Ўзбекистон Республикаси Олий Мажлисининг Ахборотномаси, 2001 й., 9-10-сон, 176-модда.
7. Ўзбекистон Республикасининг “Прокуратура тўғрисида”ги қонуни (янги таҳрири), 2001 йил 29 август // Ўзбекистон Республикаси Олий Мажлисининг Ахборотномаси, 2001 й., 9-10-сон, 168-модда.
8. Ўзбекистон Республикасининг “Ўзбекистон Республикаси Олий Мажлисининг Қонунчилик палатаси тўғрисида”ги Конституциявий қонуни 2002 йил 12 декабрь // Ўзбекистон Республикаси Олий Мажлисининг Ахборотномаси, 2002 й., 12-сон, 215-модда.
9. Ўзбекистон Республикасининг “Ўзбекистон Республикаси Олий Мажлисининг Сенати тўғрисида”ги Ахборотномаси, 2002 й., 12-сон, 213-модда.
10. Ўзбекистон Республикасининг 2003 йил 29 августдаги «Ўзбекистон Республикаси Олий Мажлиси Сенатининг Регламенти тўғрисида»ги Ўзбекистон Республикаси қонуни // Ўзбекистон Республикаси Олий Мажлисининг ахборотномаси. – 2003. – 9-сон. – 137-модда.